

## اجتماعی

### موسیقی - اخلاق سقوطی

سر لوحه من نظر لک دقتی جلب ایتکدن هیچ بر وقت خالی قالمیه جق و: موسیقی ایله سقوط اخلاق بربرلیله نه مناسبتی وار؟ دنیه جک در. هر یرده موسیقی نك اخلاق تصفیه سنه خدمت ایتدیکی ادعا اولونورکن ، سقوط اخلاق موسیقی ده آرامق عبث اولمازی ؟...

اوت ، موسیقی آئی اخلاق یارادیله سی ایچون چوق کره مهم بر مؤثر اولشدر . مکتبلر موسیقی بر تربیه عاملی اوله رق قبول ایتشدر . بو باده موسیقی بویوک بر موقع قازانمشدر . فقط بو کون بزده کی موسیقی ، بزده کی شرقی و تورکولر او مزیتدن تامیله خارج در . مملکت مزده موسیقی بو کون یوز قیزارته جق بر شکل آلدیغی اعتراف ایدم .

مملکتک تربیه عمومی سنی عائله لر ، محیط طوغورور . مکتبلر افرادی ، عائله لک کوچوک رکنلرینی تربیه ایدر ، انسان ایدر . مکتبلر بو خصوصده بویوک و قیمتلی بر مؤثر در ؛ مؤثر در اما محیطک ، عائله تربیه سنک چوق کره مکتب تربیه سنی ، تربیه اساسیه یی ده اخلاقی ایلدیکی مشاهده ایدلشدر .

مکتبلر چالیشیر ؛ متمادی بر ماده نك اصلاحی ، چوجو غک تربیه سی ایچون متمادی غیرت صرف ایدر ، یورولور . صوکر چوجو محیطنده راست کلدیکی برشیدن ، ابونک اهل ایلدیکی بر ماده دن تامیله بوزولور ، مکتبک بوتون مساعیسی هبا اولور . تربیه عمومی نك ، استقبالك ، حالک قهرمانی عد ایدیلن مکتب مدهش برامل سقوطی قارشیننده قالیر ...

بونی چوق مکتب ، چوق خوجه حس ایتز و آغلاماز ، آغلایه ماز . فقط سعینی ، فدا کارلغی ، محیط خصوصی نك قیردیغی کوروب آغلایان اصل مکتبلر ، خوجه لده اکسیک دکدر .

بوکون قالمه ، استانبولی ، بویوک شهرلریمزی محله محله طولاشلم . کویله قدر واردم . نه لر کورور ونه لر ایشیدیریز . کوردیکلر من آجی حقیقتلر در . اونلرک تدقیقنی بر طرفه براقلم . ایشدکلمزدن بری ده موسیقی در . اوموسیقی که بوتون موجودیتی ، بوتون ماهیتی ایله اجتماعی یاره لدر .

برکنج قیز ، برکنج ارکک چوجوق آغزی ایله باغیریز ؛ بر شرقی نك برعوام تورکیسنک آچاق و یوکسک آوازده لر ایله کفته سی قولانغمه آریئیر . آغزلرده کزنه بو کفته لر ، هپ سویله یه نله اخلاق سزلق ، عادیلک تعلیم ایدر . والده ، پدر ، قومشو بر تورکی ، بر شرقی سویلر ؛ صریلار ؛ چوجوق بونی دیکار ؛ بوتون اینجه لکیله اوکره نیر ، اوده سویلر . بو شرقی ده کندیسنه سقوط اخلاق توصیه ایتشدر .

بونلری کنج قیزده سویلر . باباسنک ، آنه سنک ، خاله سنک ، بوتون بویوکلرینک ، اقرانلرینک ، قریلرینک ایشیته جکی صدا ایله سویلر . اونلرده ایشیتیر ، کمال سکونه ، بلکه ده ممنونیتله دیکلر ؛ آلفیدسلارلر . نه یی آلفیدسلایورلر ؟ نه یی دیکلایورلر ؟ ... بو شرقیلر یوز قیزارتمیورمی ؟ کنج قیزی اوتاندریمیوری ؟ ... ابون بونی ناصل دیکلایور ؟ ...

شو محقق که بو کون بو آچیق شرقیلره هیچ اهمیت ویریلیور . بونلری دیکلکم احوال عادیه دن عد اولونویور . صوکر اوابون باشقه خصوصاتده عصیله شیور . کندی مساعده سیله اخلاق سزلق اوکره تیورده ، صوکر بو مساعده سنک نتیجه طبیعیه سنه حدت ایدیور ، تعصب کوستریور ...

بو شرقیلردن بر قاچنی تعطیل مناسبتیه استانبوله ، روم ایلی و آنا طولی نك بعض یرلرنده بولندیم ائنده طویلادم . بونلری بوراده یازمقله ، بو صحیفه لر کیرلنن ظن ایدرم . شرقیلرک بوتون رزیکل افاده ایدن سطرلرینی اوقویه لده اوکا کوره مضرتی تقدیر ایدم :

ایشته بری :

آطه لر ساحلنده بکلیورم

یارم سنی سریعاً ایستیورم

بردیگری :

هر دایمکی یرنده بکلیورم  
بی شاد ایت سودیکم باشیک ایچین  
هانیا ده اومیس کی لیاقلر  
صاراروب صولق اوزره یاپرائلر  
بکا مکن اولونجه طوپراقلر  
بی شاد ایت سودیکم باشک ایچین ...

بویله ده قاش ، بویله ده کوز  
بویله ده کوزلر کیمده ده وار .  
ایجه ساز ، دوز راق  
ناز وادا بزده ده وار ...

دیگری :

الف اوستنده میملر !  
یاقدی بی او دیلار ..  
بم یوره کده سنسک ،  
سنک یوره کنده کیملر ؟ ..

دیگری :

آمان آمان فنیدیق  
نه کوزلده قیردیق  
جویز ایچی بادمده شام فستیق  
قاره قاره قاشلر  
اوزوم کی کوزلر  
اوبیاض کرداندن اوپمه لی !

دیگری :

چک دوه جی دوه لرینی یوقوشه آمان  
کل مملر بربرینه طوقوشه آمان  
هایدی آلمانا یناقلی ، هایدی کیراز دوداقلی ...

دیگری :

آلمانا یه یانغیم آمان  
جلوه سنه یانغیم آمان  
هر حالی خوشنه کیدیور .  
عقلی باشمدن آلیور .  
آمان کوزهل آلمانا  
کوکلم سکا سودالی  
پک خوشمه ده کیتدی .  
آه سنی ناصل صارمالی ؟ ...

دیگری :

اوغلان یایی ، قیز ویدالی ( ! ! )  
طایانه میوروم غیری  
بن عسکره کیدیوروم ،  
حالالاشایم غیری ...

دیگری :

قالدی آتشلر ایچنده ینه سودالی سرم  
نره دن کوردی سنی قهر اوله سی دیده لرم .  
کورسم آرار ستم ، کورمه سم آرتار کدرم .  
نره دن کوردی سنی قهر اوله سی دیده لرم .

دیگری :

سینه می صد پاره قیلدی تیر مژگانک هان  
مرحمت قیل نازلی یارم حالم اولدی پک یمان  
قائمه اغیاره افندم ، لطفنه کلدی زمان  
مرحمت قیل نازلی یارم حالم اولدی پک یمان .



دیگری :

ایک کوملک یتیشیر، انتارینی آت ،  
تزل ایله ، کل آغوشیمه یات ! ..

داها نه لر، نه لر... دقت ایدیکز، بونلری کنج قیزلر، قادینلر، دلقانلیر  
سویلیور. عمومی یرلرده تغنی ایدیلیور. ایسته بزده سقوط اخلاقه چالیشان  
موسیقی! .. بوتون بوتعلیل سیاحتمده کنجلر آغزندن بوشرقیلری، بوسته لری،  
بوکفته لری دیکله دیم . مستثنایری پک آز، پک آندر ...

بوسفیل موسیقی تربیه ملیه مزی تولدورویور، بوزویور. اخلاق ملیزی  
اعدام ایدن بز. خارجدن بز. بونک ایچون کلن نمونه لر یوقدر. بز اتخار  
ایلیورز. بوقادار آجیق، صاچق شرقیلر آوروپاده ده یوقدر. داها آجیق لری  
وار ایله ده عائله آره سنه کیره مز، اوسفل یرلرده، آياشلر آره سنده قالیر...  
اخلاق سقوطی، توله سی تربیه عمومی ده خنچرلیور. فکر، بدن ده  
اخلاقه برابر طولایسیله اوچورومه یورویور، هر شی فنا بولویور ...  
بز اصل بویله کوکدن بوزولان شیلری تربیه ایله مه لی بز. جبر ایله، زور  
ایله خلقی آئی اخلاقی و دیندار یاپه نك امکانی یوقدر. واسع بربروغرامله  
چالشمغه باشلامه لی. بویله چالشماز ایسه ک هپ فلاکت ...

پولیس افتدیلر سوقاقده آجیق کزه ن قادینلری ایستدکلری قدر  
چویرسینلر. شیخ الاسلام افندی ایستدیک قدر أمر و برسین، بیاننامه نشر  
ایتین، جزا اعلان اولونسون، تأمین ایدرم که هیچ بونلرک بر فائده  
واهیتی یوقدر.

مرض اساسلی و ایلریله مکده دز. بز مرضک اصل تداویسی نه ایسه  
اونی دوشونور، خته لنی جبر ایله قورقوتیورز. بویله اوستون کوروعادی  
تدبیرلر ایله اسلامیتک اوغرا دینی و اوغرامقده اولدینی سقوط اخلاق تداوی  
ایدیله مز. یوزلرجه مکتبلر، قیز مکتبلری، عائله لر، والدله لر، بابالر آره سنده  
وعظ ونصیحتلر؛ انسانیتی دوشونور، اسلامیتی دوشونور و بونلر ایچون  
چالیشیر قادین وارکدن مرکب جدی جمعیتلر بواشی اصلاح ایدر. حکومت  
ایچین، وطنداشلر ایچون، علما ایچون یاپه جق بودر. بوشرقیلر ناصل  
بر اخلاسیزلی پروپاگاندا سی، پروپاگاندا جیسی ایسه بز تداویجیلر اولردن  
داها قوتلی پروپاگاندا تأسیس ایله مه لی بز. چاره فلاح بو! ..

صاقین موسیقی نك لزومسز لغنی، علی العموم موسیقی اخلاقسزلی موجبدر  
دیدیکم آکلاشیمه سین. بوتون دنیا ده اولدینی کبی محرر ناچیز بیله مکتبده  
موسیقی بر اساس تربیه اوله رق قبول ایتدم. مکتبلرده تطبیق ایدیلن  
موسیقی چوجوغه، کنجه ای اخلاق، متانت، شجاعت، وطنپرورلک،  
عسکرلک حسی، سمی وغیرت حسی، مسله که محبت حسی، تعالی حسی،  
دیندارلی حسی ویریور ....

فرانسزلر بوکون کندیلرینی تولومدن، مظلم بر استبداددن قورتاران  
مارسه یه زه مدیون شکراندرلر. مارسه یه ز فرانسزلره وطنپرورلک درسی  
ویردی، وطنی خلاص فکری ویردی، شجاعت و متانت ویردی ...

بزده ده ۳۲۴ انقلاب اخیرندن صوکر بویله وطنی شرقیلر، تربیوی  
شرقیلر تنظیم اولونمغه باشلادی. مکتبلره کیردی. حتی جمله سنیدن بویوک  
استفاده لر آله ایدلی. لکن بونلرک عددی نه بزم ایسته دیکمز قادار،  
نه ده بریکی معیوب شرقیلرک وجودینی ستر ایده جک قادار ...

انسانلر موسیقی یه محتاجدرلر. حسی، انجه لکی تربیه ایدن، یورغونلنی،  
مشاغل دماغیه یی کیده رن موسیقی در. فقط بز خدمت ایده جک بوموسیقی،  
دیدیکم کبی نریه، و وطنی اولمالیدر. آه لر، اوفلر ایله ایلکیه رک شهوت  
وعد ایدن موسیقی پارچه لرینی تولدورمکه چالیشمالی؛ اونلرک ناظم وبسته -  
کارلرینی لغتله یاد ایله مه لی بز.

ادهم نژاد  
مناستر:

## انتخاب

### ایران تاریخیچه انقلابی

- ۲ -

#### انقلاب متفکرین و محررین

شیخ جمال الدین - میرزا ملکم خان - میرزا آقا خان کرمانی و آرقا -  
داشلی - اوچ غزته جی - میرزا عبدالرحیم وحاجی زین العابدین .

ناصرالدین شاهک بوتون شدت ومظالمته رغماً مملکته بر فکر  
تجدد وانقلاب پرورده ایدیلیوردی. شاه هر نه قدر بابیلک تهمتیه  
خلق اللهی کسدیرمش، قیردیرمش ایدیسده فکر ترقیپورانه یی  
تمامیه بتیره مه مش، اونی جدی وفدا کار مروجلردن محروم براقا -  
مه مشدی. دور ناصرینک بوتون ظلمت وکشافتله رینه رغماً آره صره  
ارباب فکر ودها برر شهاب ثاقب کبی پارلایور وافول ایدیلوردی.  
فقط بوتون افوللرینه رغماً ستاره لر کیت کیده بوللاشیور، آز، چوق  
ثبات کوستریور، ایران قدیمک افق تاریکینه نورتجدد صاچیلوردی.  
سلسله مقالاتمزه اختیار ایتدیکمز اصول اختصاره نظراً بز بو  
«ستاره» لردن آجق ایران انقلابنه، افکار احرارانه سنه الیاده اج ای  
تأثیر ایتمش اولانلرینی قید ایتک، مجاهدات فکریه وخدمات قلمیه.  
لرینک اهمیتنی کوسترمکه اکتفا ایده جکز :

\* \*

ایران افکار احرارانه سنک ایلک اول میدان مجاهده یه آتیلان  
متفکرلرینک باشنده سید جمال الدین افغانی حضر تلیر کیور.

شیخک اتحاد اسلام فکری مروجلردن اولدینی معلومدر. بوفکرک  
صوک شکلنک مؤسسی عد ایدیلن جمال الدین حضر تلیر ناصرالدین  
شاه زماننده ایکی دفعه مابین هایونده بر مقام بلند احرار ایلش،  
خیالات ترقیپورانه سندن دولای ایراندن طرد ایدلمشدر. ایلک  
تبعیدینی متعاقب ناصرالدین شاه آوروپاده سیاحت ایتدیک ائنده  
مشارالیهله (مونیش) ده کوروشمش، کندیسینی مقام وکالته تعیین  
ایده جکینی وعد ایله موکب هایونیهله برابر طهرانه جلب ایتمشدر.  
شیخ ایکنجی دفعه طهرانه کلدکدن صوکره تکرار نقض عهدایدن  
شاهک غضبه اوغرامش وقلنه اراده شاهی صادر اولمشدر. اعدامدن  
اول تام معناسیله عریان اوله رق شیخ بر قاطره بندیریلهرک طهران  
سوقاآلمرنده تشهر ایدلمشدر. فقط فرانسه سفارتنک مداخله سی  
اوزرینه قتلندن واز کچلمش، تکرار ایراندن تبعیدی جهته  
کیدلمشدر.

ممالک اسلامیه ده داخل قانونی وعادل برر حکومت تأسیس  
ایلک، اجانبه قارشیه متحد ومتفق بر عالم اسلام وجوده کتیرمک  
غایه سنه فداکارانه خدمت ایدن بویوک آدم، کرک ایرانده، کرک

